



REPUBLIKA E KOSOVËS / REPUBLIKA KOSOVA

GJYKATA THEMELORE MITROVICË - DEGA E GJYKATËS LEPOSAVIQ

---

Numri i lëndës: 2021:066045

Datë: 29.05.2024

Numri i dokumentit: 05749543

P.nr.48/2021

### NË EMËR TË POPULLIT

**GJYKATA THEMELORE NË MITROVICË** – Dega në Leposaviq, Departamenti i Përgjithshëm- Divizioni Penal, Gjyqtarja e vetme gjykuese Qëndresa Tahiri- Islami, me bashkëpunatoren profesionale Edita Koliqi, në çështjen penale ndaj të akuzuarit N.M për shkak të veprës penale: Kalimi i paautorizuar i vendkalimeve kufitare ose i vijës kufitare nga neni 140 par.3 pika 3.3 të KPRK-së, sipas Aktakuzës së Prokurorisë Themelore në Mitrovicë- Departamenti i Përgjithshëm PP.II.nr.413/21 të datës 08.04.2021, pas mbajtjes së seancës së shqyrtimit gjyqësor më datë 27.05.2024, me datë 28.05.2024 në mungesë të prokurores së shtetit Albana Parduzi dhe të pandehurit N.M mori dhe publikisht shpalli, ndërsa me datë 29.05.2024, përpiloi këtë:

### A K T G J Y K I M

I akuzuari:

N.M, i biri i..... dhe ....., e vajzërisë ....., i lindur më ..... në Mitrovicë, tani me vendbanim në fshatin Socanica Komuna e Leposaviqit, me numër personal ....., student, i pa martuar, serb, shtetas i Republikës së Kosovës.

## ËSHTË FAJTOR

### **Sepse:**

Më datën 20.02.2021 rreth orës 22:10 minuta nga territori i Serbisë, duke drejtuar Kamionin Stever , ngjyrë të bardhë, me targa të regjistrimit BG-1941-FI, në vendkalimin kufitar në Jarinje ka hyrë në territorin e Republikës së Kosovës dhe gjatë kontrollit të policisë kufitare në Leposaviq është ndaluar në fshatin Kosuticë duke i shfrytëzuar rrugët ilegale për të hyrë në Republikën e Kosovës.

Me këto veprime ka kryer veprën penale Kalimi i paautorizuar i vendkalimeve kufitare ose i vijës kufitare nga neni 140 par.3 pika 3.3 të KPRK-së, (Kodi Penal i Republikës së Kosovës (06/L-074).

Andaj Gjykata në bazë të neneve: 1, 4, 7, 8, 9, 17, 21, 38, 47, 48, 49, 69, lidhur me nenin 140 par.3 pika 3.3 të KPRK-së, dhe neneve: 364, 449, 452 të KPP-së, të akuzuarit, i:

## **SHQIPTON**

- I. DËNIM ME BURGIM në kohëzgjatje prej tetë (8) muajve, i cili dënim nuk do të ekzekutohet nëse i pandehuri nuk kryen vepër tjetër penale gjatë periudhës së verifikimit, në kohëzgjatje prej një (1) viti, nga plotfuqishmëria e këtij Aktgjykimi.
- II. OBLIGOHET i akuzuari që në emër të shpenzimeve procedurale dhe atë në emër të paushallit gjyqësor të paguaj shumën prej njëzet (20) euro, në emër të fondit të kompensimit të viktimave të krimit shumën prej njëzet (20) euro, të gjitha këto në afat prej 15 ditësh nga dita e plotfuqishmërisë së këtij aktgjykimi.
- III. Pala të dëmtuar sipas aktakuzës nuk kishte.

## A r s y e t i m i

Prokuroria Themelore në Mitrovicë- Departamenti i Përgjithshëm, ka ngritur Aktakuzën PP.II.nr.413/21 të datës 08.04.2021 kundër të akuzuarit N.M për shkak të veprës penale: Kalimi i paautorizuar i vendkalimeve kufitare ose i vijës kufitare nga neni 140 par.3 pika 3.3 të KPRK-së.

Gjykata ka caktuar dhe mbajtur seancën e shqyrtimit gjyqësor më datën 27.05.2024, në të cilën ka prezantuar Prokurori i Shtetit Albana Parduzi, i akuzuari N.M si dhe përkthyesi i gjykatës Mehmet Veliu.

Pas leximit të aktakuzës nga ana e Prokurorit të Shtetit, Gjyqtarja e vetme gjykuese e ka njoftuar të pandehurin edhe një herë lidhur me të drejtat e tij në këtë çështje penale dhe pasi që është bindur se i pandehuri i ka kuptuar udhëzimet e gjykatës, të njëjtit i është dhënë mundësia që të deklarohet lidhur me fajësinë, ashtu që në këtë seancë i pandehuri lidhur me pranimin e fajësisë ka deklaruar se ndjehet fajtor dhe se e pranon fajësinë për veprën penale për të cilën akuzohet sipas aktakuzës.

Prokurori i shtetit, lidhur me pranimin e fajësisë nga ana e të pandehurit ka deklaruar se pajtohet me pranimin e fajësisë nga ane e të pandehurit, ngase pranimi i fajësisë është dhënë në mënyrë vullnetare, pranimi i fajësisë ka mbështetje në provat të cilat gjenden në shkresat e lëndës. Ndërsa në fjalën përfundimtare ka deklaruar se mbetet pranë aktakuzës së Prokurorisë Themelore në Mitrovicë duke vlerësuar se meqenë se i pandehuri e ka pranuar fajësinë është vërtetuar gjendja faktike si në aktakuzë, ka kërkuar nga gjykata që i njëjti të shpallet fajtor dhe të dënohet me një dënim sipas ligjit.

Ndërsa i akuzuari N.M në fjalën përfundimtare ka deklaruar se kërkoj nga gjykata të më shqiptoj një dënim sa më të bute.

Gjykata, ka shqyrtuar pranimin e fajësisë të cilën e ka deklaruar i akuzuari, e në mbështetje të nenit 321 par.1 të KPP-së, në këtë drejtim ka vlerësuar se janë përmbushur kushtet ligjore për pranimin e fajësisë për të akuzuarin.

Gjykata ka vërtetuar se pranimi i fajësisë nga ana e të akuzuarit mbështetet në provat me të cilat disponon kjo gjykatë si: Raporti fillestar i incidentit me numër të rastit 2021:YNC i datës 25.02.2021, procesverbali i marrjes në pyetje të dyshuarit i datës 20.02.2021, verifikimi nga sistemi SMK, fotodokumentacioni si dhe shkresat tjera të lëndës.

Të gjitha këto prova janë bindëse për gjykatën dhe formojnë elementin inkriminues e që në bazë të këtyre provave dhe pranimi të fajësisë, konsiderojmë se përtej çdo dyshimi është vërtetuar se i akuzuari ka kryer veprën penale që i vihet në barrë.

Gjykata, ka vërtetuar se pranimi i fajësisë nga ana e të pandehurit është bërë në mënyrë vullnetare, se i pandehuri ka kuptuar natyrën dhe pasojat e pranimi të fajësisë, duke i' u tërhequr vërejtja të pandehurit se pas pranimi të fajësisë, ai nuk mund të bëjë ankesë për shkak të konstatimit të gabuar të gjendjes faktike, por vetëm sa i përket llojit dhe lartësisë së dënimit, gjykata ka vërtetuar se aktakuza nuk përmban asnjë shkelje të qartë ligjore ose gabim faktik, nga këto arsye gjykata ka aprovuar pranimin e fajësisë të bërë nga i pandehuri.

Gjykata, nga pranimi i fajësisë së të pandehurit dhe nga provat e cekura si më lartë, ka vërtetuar përtej dyshimit të bazuar se i akuzuari N.M ka kryer veprën penale: Kalimi i paautorizuar i vendkalimeve kufitare ose i vijës kufitare nga neni 140 par.13 pika 3.3 të KPRK-së, e për të cilën veprë është paraparë dënimi me burgim prej gjashtë (6) muaj deri në tre (3) vjet.

Lidhur me llojin dhe lartësinë e dënimit gjykata ka pasur parasysh vlerësimin e rrethanave lehtësuese dhe rënduese për matjen e dënimit në mbështetje të nenit 69 dhe 70 të KPRK-së. Gjykata, si rrethanë veçanërisht lehtësuese ka vlerësuar pranimin e fajësisë në tërësi për veprën penale nga i akuzuari në seancën e shqyrtimit fillestar dhe rrethanat tjera lehtësuese faktin se i njëjti ka kërkuar falje, i njëjti ka treguar sjellje të mirë në gjykatë, është i ri në moshë, student. Ndërsa, rrethana rënduese gjykata vlerësoj peshën dhe rrezikshmërinë e kësaj veprë penale, faktin se veprat penale të kësaj natyre në regjionin e Mitrovicës janë në rritje, kalimi i kufirit në mënyrë ilegale është bërë gjatë periudhës ndërmjet orës 06:00 në mbrëmje deri në orën 06:00 në mëngjes gjatë periudhës prej 1 tetorit deri më 31 mars.

Gjykata vlerëson se dënimi i shqiptuar si në dispozitivin e aktgjykimit, është në proporcion me peshën e veprës penale, me sjelljen dhe rrethanat e kryesit, me shkallën e rrezikshmërisë shoqërore dhe përgjegjësinë e kryesit, me bindje se dënimi i tillë do të ndikoj në risocializimin

dhe riedukimin e kryesit, si dhe do të ndikoj tek të tjerët të mos kryejnë vepra penale, ngritjen e moralit dhe forcimin e detyrimit për respektimin e ligjit, çka është edhe qëllimi i dënimit sipas nenit 38 dhe 47 të KPRK-së.

Vendimi për kompensimin e shpenzimeve të procedurës penale dhe të paushallit gjyqësor, u mor në bazë të nenit 449 par. 2 nën par. 2.6 lidhur me par.1 dhe nenit 452 par. 1 të KPPK-së. Ndërsa taksa për kompensimin viktimave të krimit, në kuptim të nenit 36 par. 3 nën. par 3.1 të Ligjit nr.08/L-109 për Kompensimin e Viktimave të Krimit.

Andaj gjykata duke u bazuar me neni 364, 452, 462 të KPPK-ës, nga arsyet e lartcekura ka vendosur si në dispozitiv të këtij Aktgjykimi.

**GJYKATA THEMELORE NË MITROVICË- Dega në Leposaviq**

**Departamenti i përgjithshëm-Divizioni Penal**

**P.nr.48/21 të datës: 29.05.2024**

Bashkëpuntorja profesionale  
Edita Koliqi

Gjyqtarja e vetme gjykuese  
Qëndresa Tahiri- Islami

**Këshillë juridike:** Kundër këtij aktgjykimi palët kanë të drejtë ankese në Gjykatën e Apelit Prishtinë, në afat prej tridhjetë (30) ditësh, llogaritur nga dita e pranimit të tij. Ankesa dorëzohet përmes kësaj Gjykate, në kopje të mjaftueshme për palët dhe gjykatën.